



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 22. Quænam opinio dicatur probabilior.

**urn:nbn:de:hbz:466:1-42634**

*Inſt.* II. Illa probabilitas opinionis probabilis <sup>132</sup> vel cognoscetur certò vel tantùm probabiliter ; si certò, erit certa probabilitas ; si tantùm probabiliter, dabitur processus in infinitum, ita *Eliz. R.* *Judicium directum circa probabilitatem opinionis erit tantùm probabile, habebo tamen aut habere potero simul judicium reflexum, quo certò cognoscam illud judicium probabile existere in meo intellectu ac' nisi motivo probabili tantùm, in quo judicio sistam.*

*Inſt.* III Saltem sic opinans non dicet absolutè, <sup>133</sup> sic mihi videtur, nam hoc esset dicere, sic mihi est absolutè probabile, sed dicet, sic mihi videtur videri. *R.* Absolutè dicit, probabilitas illius opinionis mihi videtur dari in rerum natura, ubi *probabilitas* est tantùm objectum, actus autem id enuncians, absolutè id enunciat, sed ex motivo tantùm probabili, ergo absolutè dicit, sic videtur, id enim potest absolutè dici vel certò vel tantùm probabiliter, uti sàpe dictum est.

*Q. 22. Quanam opinio dicatur probabilior. R.* <sup>134</sup>

§. I. Probabilior intrinsecè est, quæ pro se habet meliores rationes; probabilior extrinsecè, quæ pro se habet maiorem auctoritatem: quod si una habeat rationes meliores, & altera maiorem auctoritatem, illa simpliciter est probabilior, quæ habet rationes meliores, quia auctoritas fundatur in rationibus, nec auctores plus valent, quam valeant rationes, quas afferunt, vel quas præsumuntur habere, uti dictum est n. 113.

§ II. Si opinones sint circa revelata, illa est probabilior, pro qua videtur potius stare revelatio; si circa res spectantes ad jus positivum, illa est probabilior, cui magis favent leges vel consuetudo, quæ est optima legum interpres; si circa mentem legislatorum vel circa intelligentiam legum, etiam natura-  
lium,

lium, plus tribuendum est antiquis quam recentibus, quia illi fuerunt magis vicini auctoribus legum & ab initio interpretes earum; si sunt circa materias fideli & morum, plus est tribuendum Sanctioribus quam aliis, quia illi & amplius illuminantur a Deo & melius sciunt mystica discernere; circa materias attingentes conscientiam, plus tribuendum Theologis quam Juristis; circa materias juridicas, plus Juristis, quam Theologis &c., quia cuique in sua arte & professione est magis fidendum.

**35** §. III. Major numerus auctorum, per se loquendo, facit majorem auctoritatem, quia plures oculi plus vident quam pauciores: intellige tamen, ceteris paribus, nam S. Aug. de doctr. Christ 1. 2. c. 8. loquens de auctoritate extrinseca manifestè docet graviores auctores & pauciores posse æquivalere pluribus non ita gravibus, uti rectè expendit Eß. in app. a. 126. Nav. ait, quod opinio, quæ docetur à sex doctoribus eam ex professo tractantibus sit censenda communior & probabilior, quam quam tenetur à 50. aliis, qui alicujus alterius auctoritatem sequuntur; & hoc demonstrat Carden. in 1. crisi. d. 11. c. 2. a. 4. item in 2. crisi d. 3 n. 9. Similiter plus tribuendum est scribentibus absque passione & particulari affectu, quam antecedenter affectis uni parti aut pro una & mulantibus, ideoque plus docentibus indifferenter & sine spe lucri, quam advocatis unius partis; plus liberè dicentibus, quod sentiunt, quam obligatis ad sequendum unum auctorem vel certam viam. Videri potest Laurent. hic d. 4. à n. 62.

**36** Q. 23. An opinio aliqua censeri debeat probabilior vel etiam probabilis, hoc ipso quod doceatur à pluribus vel à multis. R. Cum Carden. in 1. crisi d. 11. à n. 197. non semper, uti ostenditur in exemplis apud Carden., nam

Quinque